

醉

鄉

記

上



醉鄉記

古本戲曲叢刊二集

古本戲曲叢刊編刊委
員會影印長樂鄭氏藏
明末刊本原書版匡高
二十公分寬十四公分

刻醉鄉記序

人生原幻住世界等虛空槐國黃梁
秦臺楚榭誰真誰幻而況驟加之功
名偶聚之伉儷乎達人道眼覷破高
才綺語礙我晴空艷質名姝比他革
穢人睡我寤人醉我醒盡大千世界

如起滅浮漚又何憾焉惟是未能超
世亦復有情而奇文受媮於拙目深
情抱恨於孤闈魔鬼司權英雄短氣
此真千古不平之冤而慧人開士往
往才而窮窮而癡癡而憤憤而縱酒
尋花長歌慟哭無所不發抒迨至世

人皆欲殺而夢夢之老一朝豁慈悲
之目而無所不隨順措大之懷此又
閻浮世界之大凡也蘇子瞻遇不鬯
志托睡醉鄉記以寄牢騷吾友孫仁
孺才未逢知更譜醉鄉傳以寫情事
其所載銅白多金而先售歐陽蒙日

而誤收窮鬼情魔從中磨折自有天
地便有此等何足爲怪顧一經描寫
勘盡世情真與西遊水滸盡其變道
德南華竝其幽法華楞嚴同其妙從
今以往卓家幼女郝氏老翁任他各
從所好銅相公白才子任他先我着

鞭而酒癖詩魔愁花悶月果有烏有
生其人恐終勤魁宿之駕而辱嫦娥
之盼也謝安石四十不仕子弟朱紫
滿門每從簾下過婦以爲言謝捉鼻
答曰但恐不免耳想爾時東山絲竹
亦復何在則當銅白睡鄉得意時烏

生雖感憤無益也仁孺兄卽未能斷
綺語業而忘情大爲慧業文人解嘲
而說法予刻而傳之讀其文海內當
想見仁孺之人已

崇禎庚午仲夏晴空居士王克家漫

書

醉鄉記目錄

上卷

第一齣

虛賦賡司馬用嘉華韻

第二齣

文朋做退之用先天韻

第三齣

無公有好女用蕭韶韻

第四齣

月姊作情司用車夫韻

第五齣

鼈相抑何妒用東紅韻

第六齣

白生良足嗤用清明韻

第七齣

春閨針線懶用何和韻

第八齣

醉邑酒杯空用尤侯韻

第九齣

高學窮增鬼用齊微韻

第十齣

狡童僕可師用金音韻

第十一齣

睡鄉真適志重用嘉華

第十二齣

夢媼太嗟咨用邦陽韻

第十三齣

空憶臨邛美重用蕭韶

第十四齣

難邀令尹施用廉纖韻

第十五齣

徒將鼓瑟意用皆來韻

第十六齣

笑殺坦牀兒用支時韻

第十七齣

竹氏紛堪解重用車夫

第十八齣

荷花景自悲用寒間韻

第十九齣

佳郎姑早許用南三韻

第二十齣

名輩棘同推用鸞端韻

第二十一齣

窮魁春闈肆川真文韻

第二十二齣

錢夷夢境馳重用廉纖

第二十三齣

次且龍榜下三用嘉華

第二十四齣

笑語碧山籬重用那陽

下卷

第二十五齣

離夢俱成幻重用真文

第二十六齣

登垣兩欲迷重用齊微

第二十七齣

深情蟲解語用車邪韻

西州詩
第二十八齣 癡病禱何爲重用南三

第二十九齣 好友真良藥重用何和

第三十齣 佳人亦故知重用尤侯

第三十一齣 文星應拜表重用支時

第三十二齣 錢鬼笑申私重用鸞端

第三十三齣 且乞東隣巧重用寒間

第三十四齣 還評月桂枝重用金管

第三十五齣 星娥齊降祉三用邦陽

第三十六齣 雪女獨懷思重用清明

第三十七齣 空腹羞醫卜重用車邪

第三十八齣 雲程快俊姿三用蕭韶

第三十九齣 春官稱具眼重用皆來

第四十齣 學士共舒眉三用尤侯

第四十一齣 媒妁通斯願三用車夫

第四十二齣 斧柯慰所期三用清明

第四十三齣 春光爛花燭重用先天

第四十四齣 文苑燦高詞重用東紅

醉鄉記目錄 終

[Faded text in the rightmost column, likely bleed-through from the reverse side of the page.]

卷四十三 禮 在大學亦經至用為大

卷四十二 禮 系阿場派賜三限無通

卷四十一 禮 數改亟准職三限事夫

卷四十 禮 學士共洽錄三限其類

卷三十六 禮 春官辨其類宜其自未

卷三十八 禮 雲野辨對矣三限其類

醉鄉記上卷

白雪樓主人編本

第一齣 虛賦賡司馬

始音便無
俗氣

蝶戀花未上筆夢花生閒戲耍。不分離騷續却風和雅。過客光陰真也假。子虛聊為賡司馬。白雪樓頭春又夏。婚宦因循。鎮日如聾啞。碧眼胡人應復寡。唾壺不禁年來打。

烏先生醉鄉癡態焉。小姐墻角春情窮鬼每棘闌難作。毛穎輩文苑名成。

第二齣 文朋做退之

莊生之幻
太白之豪
蘇公之放
郊賀之幽
盡入筆端
是文字奇
觀也莫作
樂府看

滿庭芳

生青袍扮烏有先生上自小能文從來多韻

風流輒試堪元祇因夙世天上十分顛謫下塵埃遊

戲儘牢騷酒頌花篇還問取前身那輩太白與坡仙

鷓鴣天

一世煙花夢裏窺十年燈火雪中吹文場

斗大姜維膽命運囊中毛遂錐家安在我爲誰

爭如曼倩與鷓夷乾坤二老呵呵笑笑殺兒郎底

樣癡小生烏有先生是也雄文出世俠槩凌虛自

無而來由想而結正如太上蟠根仙李復似阿衡

托體空桑居無何有之鄉與無是公相側聞此翁

厥配令善莫夫人賢德馳聲而所有芳香焉小姐

嬌妍素著。東鄰有美。將踰仲子之牆。青瑣未窺。徒

仰舜華之貌。攬袪卜以何日。夢雨空憐有年。嘆介

咳。小生雖然桃李無緣。猶幸芝蘭有契。窗友子墨

復空曠

客卿早誇先達。長念故人。而密友毛穎陳玄。羅文

楮先生。意氣相披。肝腸共吐。更與周旋風雨。艱苦

燈窗。小生以此豪興長餘。幽情獨展。近者屬當春

王正月。欲往醉鄉一游。暫此挈四友而載馳。不免

呼奴星而夙駕。奴星何在。扮小僕奴星上東人名

烏有。小僕叫奴星。相公有何分付。生我今欲借毛

家郎四友。同往醉鄉一耍。你便可收拾行李隨行。

奴相公那醉鄉與睡鄉相近相公莫順便往睡鄉
去一發多時日了生這也不定呀却早四友來也
未冠簪花彩衣扮毛穎素巾青衫扮陳玄羅文素
巾白衫長髯扮楮先生同上

梁州令毛少年吐穎百花鮮陳氣薄雲煙羅金聲玉
振共文園楮填詞賦增倍價欲飄然

毛小生中山毛穎是也陳小生絳人陳玄是也羅

小生歙縣羅文是也楮小生會稽楮先生是也俺

四人共相友善推烏有兄主盟今彼欲醉鄉一遊
只索與之同往見介長兄今欲遊彼醉鄉要須戒

真行李、奴四位、總趣是俺相公行李中物耳、楮好大、搭連、奴似着楮相公這般飄逸、只消卷而藏之、便了、生休得胡說、四兄、俺五人此去醉鄉、未辨往來、時日、只不會一別于墨兄、奈何、毛小弟昨日見于墨兄、聞老兄有行、將來餞別也、陳如此便醉鄉資糧有餘矣、言之未了、却早于墨兄到也、扮于墨客、卿冠帶從者携酒上。

前腔同堂早着祖生鞭、紫綬腰懸、陽關爲唱故人前、生衆出接介、合同蘭臭、聯雪案、共青瓊。

相見介、墨故人今欲別、把酒問何之、生多君意氣。

好毛衆日暮未應辭墨烏有兄你高才曠致妙選
四兄爲友謂當早致青雲而婚宦淹遲可勝短氣
昨聞之毛兄知公有醉鄉之適特此携樽奉餞聊
盡微衷生多感多感想俺同窗兄弟當年揮毫弄
管人人自謂大將何等意氣而兄既先達弟乃久
淹轉愧肝腸殊無面目墨好說神龍豈池中物乎

寫出豪致

左右看酒把酒介

曲都壯垂

梁州序

生

三春風雨十年書卷意氣人人高選青衫

如故堪憐郊島寒肩羨你終纓欲請賈席堪前伴却
韓香眷何當吾舌在敝貂穿淺薄單衾更自眠合陽

和酒知交勸。平生相對腸。一片增慨憤。怎消遣。

前腔墨更生藜照孫郎雪卷。合中青錢之選。人豪屈

是知已

指。蒼生應與同肩。終自金門待詔。玉署生輝。俏對瑤

宮春。青雲雖萬丈。筆堪穿。蓮炬歸來。巧笑眠。合前

看他配合四友

前腔毛陳淬銛鋒飽。歷霜天磨厚質。堅凝松院長則

鸞箋揮洒。鵠睛披展。任你賦高司馬。書絕義之。俺二

友功勞遍。中山毛氏最。絳稱玄。助却詞人驚四筵。合

前

和韻俱巧要

前腔羅楮琢磨成性格。由天陶洗淨。名流同院。長則

硜硜自好。翩翩欲展。早已價騰洛下。名貴楊妃。姓氏

文場遍。憑將班椽答。草雲玄。常博宮花醉御筵。合前

生小弟亦已領多。就此拜辭。兄長和四友醉鄉去

矣。墨既爾長兄高興。不敢固留。若醉鄉或不得意。

幸早歸來。以當大事。生多謝指教。就此相別。丑稟

相公舟已駕酒海上矣。速請登臨。

節節高。舟橫酒海邊。莫留連。好憑俠氣波濤戰。才空

檀。困誰憐。窮難免。總饑來一字。何堪。嚙此句更奇便情來一字。

何堪。纒憤絕合拚將交絕。祖龍書還。應荆識。劉伶面。

前腔。吾儕吳楚邊。氣聲連。銷魂幾載文場戰。憎偏檀。

妬。不憐。難乎免。似良農空辦。他人嚙。似窮姬空伴他。

人纒合前

尾聲別介問醉鄉應屬何州縣筭此別歸來不遠抵

收得玄澹

多少望帝春心托杜鵑。

無限半騷慨不平，聊將麴蘖慰癡情。文房況復多

佳友，相與狂歌意氣生。

第三齣 無公有好女

西地錦外扮無是公行衣裁冠上宋子西鄰才妙，郝

翁東坦風高，嬌花十五人間少，誰堪天際吹簫。

老鬢消疎長苦吟，年來兒女復闌心。多才宋玉還

知否，隣有郝翁莫慢尋。老夫無是公是也，幼攻文

布情寫景
都得豔雅

業長宦明朝解組言歸布袍終老一雙識人物的

駢語淡素故佳

眼舉世莫同、一點好文章的心、由來無兩、夫人莫
氏不媿厥夫、小女焉娘、無慚是母、只是他年已十
五、正王昌始嫁之時、而候阻三星、遲弄玉吹簫之
侶、隔隣烏有生、人才俊偉、擇配正如伯鸞、氣度風
流、快人還同逸少、但彼方未語、那可明言、今日春
和景明、不免且請夫人女兒出來一耍、叫女隸請
夫人小姐出來、

遶地遊、扮莫夫人上、春來寒峭、近日寒來少、報小閣

桃花開了

前腔旦扮焉小姐小旦扮女隸隨上繡闈深杏盡日
無人到纔繡罷幾針花鳥

相見介公春來已放碧桃花夫正似嬌兒顏足誇
旦爲問韶光今幾許女啼殘杜宇怕歸家夫相公
你女兒正在繡房針指却呼俺娘兒出來做甚公

我見春光明媚嬌花事正繁叫你母子每堂前一耍

玉山頰東風煞是好詩餘巧悄聲兒暗送花梢靚青歸柳眼舒

眉看紅入桃腮微笑夫喜林泉歸早長撫着嬌兒窈

窈幾度花間遶合盼河橋烟濛水碧鶯弄舌尖妖

前腔旦年華些小對韶光暗自覓銷儘三春雨雨風

風有幾日。花花草草。女附且耳介。向嬌娘低道。有一箇東牆年少。貌比蓮花好。合步纖腰芙蓉雙頰。如殺牡丹嬌。

公夫人我看女兒已長成了。只他才貌。須得佳郎。隔鄰烏有生。人才門第色色出人。少年正未婚娶。我意欲贅此郎。庶幾不辱我女。夫人意下何如。夫我看此郎。近雖孤貧。終當顯達。相公主見無差。但此郎風流情性。既有室家。恐耽琴瑟。只宜許彼成言。未可便令入贅。待他功名已就。纔與成親便了。

公夫人言之有理。既如此。且從容說與他知。他有

窗友子墨客卿，却是我同年至友。明日只待彼傳

言便了。

具眼丈人

玉胞肚郎才清妙，筆花尖吞鯨。擲鰲似着咱道，韞清標。合付與張郎京兆。他彩毫堪對鏡鸞描。我具眼還同屏雀招。

前腔夫伯鸞德耀，好門楣長係心苗。你丈人行水潔，堪褒那女婿。葦風流應討裴郎可也。近藍橋子晉看將緱嶺遨。

融、鑄、日、然

尾聲公池塘隨意青春草，夫又漸聽園林夏鳥。且恁度得這困人天氣，可憐宵。

春來士女踏春遊、何事朱簾不上鉤、聊與閒亭一

舒眼、抵將烟柳滿皇州、

第四齣 月姊作情司

小旦扮嫦娥廣袖金翹二侍女彩扇遮上綽約嬌

媚坐廣寒冰肌擬向雪中看怪來有意憐才俊一

任書生弄筆端自家月姊是也分靈天帝別號嫦

娥桂窟長生香逗春闈士子寒宮獨臥冷侵水殿

龍姬豔質司文欲奪梓潼之席高情作合總操月

老之符本屬太陰之精含光千古謬擬有窮之妾

抱怨九秋近者下界婚姻簿不曾檢查科名錄亦

是一篇月

姊傳而下

一皆說人

空靈應

天

書生口

必傳心

為月姊洗冤

未經料理，不免呼吳翁出來，分付一番者。

北端正好。我則在廣寒宮清虛府。湛金天。桂影蕭疎。

語帶烟霞

肌膚綽約。飡風露。普世界香風度。

扮吳剛月老持斧上。綉斧砍將仙桂老。皓髯長伴。

月娥寒。自家吳剛仙翁是也。便就是主婚姻的月。

老蒙月姊呼喚，則索相見。則箇見介月姊拜揖了。

月吳翁請了吳翁近者下界婚姻簿，不會檢查，恐。

耽誤了佳人才子，特地請你出來商量此事。吳這。

箇月姊放心，都在俺老頭兒身上管請他風流子。

弟遇着有情娘也。

西廂記
滾繡球。月想才子人間少。况佳人絕世無害。幾箇蕭郎弄玉。誤多番卓氏相如。那里有識英雄俏眼珠。笑殺了偷香的韓生。沒趣罵的他畫眉的張敞。無徒只說的嫦娥有意。憐儒素抵多少學士無緣。近粉朱你。把婚姻簿仔細躊躕。

吳這事不難。俺便將絕世佳人分配了十分才子。便了。只是世界之中。又有情魔作梗。每每破人好事。奪彼佳姻。則索俺一斧斷送也。又一件來。文士老翁此意更妙往往奇窮。就得佳人累他清苦。月姊職司文柄。索與提挈青雲。庶令彼吐氣揚眉。不負却郎才女貌。

也。月。這事不難。我將科名錄和婚姻簿逐一對勘。

好想頭

便勞吳翁說與朱衣待科試之期。要魁星作主便

了。

倘秀才。您待要鴛鴦榜。鸞凰首。臚。須索把龍虎牒。麒麟早驅。文移魁宿。繳咨到梓潼居。把桂花吹徹洞房餘。可正是配夫相女。

吳知道了。俺便待傳示朱衣老翁也。娥既如此。侍女每可隨我牛宮。和天孫一談去。

煞俺這蟾宮裏。閒殺娑婆樹。還則向銀河畔。相看雲錦圖。則要那攀桂客。步鼈頭。更教乞巧郎。通牛渚。共

用長公戲
相事生出
酒龍大奇

下

第五齣

鼈相抑何妬

字字雙扮螺把總跣背領卒上我做螺螄大海中團
孔頭頂藤牌煞甚雄將種繡甲身披背脊豐圓聳號
令魚鰕盡打躬把總

自家酒海中一箇螺把總是也奉俺龍王爺之命
照得中國烏有生從此經過彼乃有學之士我王
欲屈彼一談着俺統領魚兵鰕卒在此伺候早着
蚌甲士打聽未見來也扮蚌甲士花旗上

前腔我做游兵殼子空沒用張口箱人忒煞凶合縫

遇着漁翁一網籠。白送日久生珠。破子曾窟洞。

俺蚌甲士是也。打聽得烏有生已到海上。則索稟

知主帥便了。進見介主帥。蚌甲士打躬。烏有先生

已到境了。螺已到境了。準備相送。母令走失。衆應

暗下。生毛象和奴作航海上。

步步嬌。幽憤無端愁千種。長使英雄痛聊乘。萬里風

做一箇犯斗張騫跨鯨供奉。看波浪幾重重。早潮聲

暗起春江甕。

生四兄。俺與你欲赴醉鄉。爲臨酒海。來此大洋中。

好是波濤洶湧也。螺蚌象上。未經臨醉邑。先來謁

酒龍烏有先生且慢行船俺君王有請敢勞屈顧

生笑介酒海中亦復有王乎螺先生原來不知俺

王酒龍王是也住的是黃琉璃樣水晶殿生既爾

如此使者先導我當拜謁對毛衆介諸兄可停舟

相候便了毛衆應暫下生行介

江兒水天上星移酒人間酒有龍水晶般黃樣琉璃

洞麴鱗糟甲何龍種把瓊漿釀作珠兒弄將俺高陽

欽重待倩僧繇畫出他醉眸生動

到介螺來此已是俺王宮闕先生少住待俺稟過

了然後請見紅面束髮冠扮酒龍王上澤國何如

憑空造謊

酒醉鄉只一潮蟠蟄深憂鬱還將韻士招咱酒海

龍王是也昨聞烏有先生經過遣螺把總相邀怎

不見回報螺進報介稟大王爺烏有先生已邀宮

外王既到宮外可速宣鼈相國陪進衆應請鼈介

扮鼈相國黑面跛足上酒政憑調變波臣稱相公

東自家酒海中鼈相公是也俺王請甚烏有先生着

俺陪進只怕他語言便利奪咱之寵就中須用心

機便了見生介先生辱臨敝境寡君着下臣陪進

生不敢衆語生介這就是俺國中鼈相國大王極

爲寵任生原來就是鼈老先輩失敬了共進介王

下座迎介。生：海！狂客重煩邀命。王：蕞爾小濫，敢
屈大賢，久仰文雅，幸毋吝教。生：不敢。王：內侍每看
酒。醴遞酒介。生：遜謝介。

忒忒令。排列着文犀幾重，抵多少珊瑚百種。喜相逢
東道主君王欽重，好一似傳書信洞庭宮。王先生寡
人第一慕你文藻也。生：又怎禁一意的把斯文奉義
高情永。

王：久慕先生長於韻律，內侍可取素鮫綃一丈，乞
先生珠玉。內侍取上介。王：先生不棄，幸一揮之。生
雕蟲小才，何當大雅，既辱尊命，勉賦數語，寫畢奉

王覽介王一揮而就果是倚馬之才相國可誦與

寡人聽之。鼈誦介天地雖寥廓酒海爲最大聖主

皆祀事位尊河伯拜祝融爲異號恍惚聚百怪三

氣變流光萬里風雲快青旗搖紅樓赤虬吼滂湃

家近杜康城路通儀狄界安得明月珠可以償我

債。王妙哉佳製真令人飄飄有凌雲想矣。鼈臣啓

大王烏有生語多輕薄暗藏譏諷若此詩橋傳是

彰國之惡也。王怒介海隅野儒敢至于此。叫螺把

總可速命彼出去毋貽吾辱正是酒逢知己千鍾

少話不投機半句多。王鼈俱下螺蚌送生介先生

我大王寔有欽重之意。怎生犯下忌諱，不復相畱。
生歎介：沒甚犯忌諱，只喫那鼈相公虧也。

五供養尋常吟咏，却笑書生。不免文窮何當觸忌諱。
空自歎遭逢，想才華何用。普人間多多鼈，公真成鼈。
斷踢那得慰從龍。氣觸波生，憤隨濤湧。

蚌叫介：船上聽着送烏有相公回也。毛衆上好一

會子也。螺先生就請登舟，蚌甲士俺可回大王旨

去。共下丑相公：這兩箇都是甚樣人，團頭團腦沒

眉沒眼。生一筒叫螺把總，那使卒叫蚌甲士却是

酒籠王請我作詩，我吟咏一篇，頗中其意，只爲有

一鼈相公在旁譏間。因此送歸。毛老兄看起來。我輩到處被這鼈相公廝壞。丑相公螺與蚌浸在這酒海中。也是箇糟螺醉蚌了。便鼈相公可不是箇臘鼈生。且休胡說。莫耽誤了醉鄉時日。可乘風速去着。衆使風介。

玉劄子。駕孤蓬浪裏廝沖。鼻尖頭早香風微送。儘顛狂嘻笑舟中。使不了醉鄉風豪情曠致。早解破浮生若夢。

呀。遠遠望見城郭了。快撐上前去。

江神子。早見霞城一帶晚烟濛。醉旗紅。醉聲蓼。那一

箇監醉權官把醉令掛村中醉翁兒還怕恐再莫與

鼈君逢

又平轉

衆到岸了生到岸了就趁早進城去偏舟渡大洋

喜得順風長鼈相何嗔妒催人入醉鄉

第六齣 白生良是嗤

開口便趣

普賢歌 白 衣花臉未冠粉白一丁上 祖宗有福喜添

丁墨汁填胃斗二升傾將在酒瓶全無墨一星似着

這白肚腸真一等

小生白一丁是也平生讀盡無書眼底識完一字

歲名一丁別字木甫之乎之之而已者也者者而

是白丁詞

乎昔日與朋友會考題目却是有澹臺滅明者有

那等不通文理朋友却不曉澹臺滅明是兩箇人

便問我道白兄白兄這澹臺滅明還是兩箇是一

箇我備、會、笑、人、却微微的笑道敢怕是一箇又有一箇題目

乃是齊景公曰招虞人以旌那板兒印差了日字

中多了一畫有一朋友就讀做田字我聽着也只

冷笑不是我白木甫誇口我這樣有學識的讀書

輩可也少着舊歲冬間因家兄之力僥倖做了秀

才愈覺豪興十倍今年已是二十五歲了只為房

下未說尚還未冠近來與銅腥夫交好頗是意味

相投曾奈同邑鳥有生妄自尊大着寔輕薄聞彼

與甚毛穎相友那毛穎族中毛羊我極相知毛穎

又寫出

雖是同宗我却與他絕無來往昨聞他已與毛穎

四五人醉鄉去了銅腥夫憤他不過道偏他會醉

鄉去醉鄉也是俺大家的路約俺同往倘或兩邊

撞着也好設施一番今行李早已收拾急不見腥

夫兒來也扮銅士臭銅錢蒲袖笑上

前腔羊羴襖子帽髮稜蒲袖銅錢響有聲生成合上

畫出

形肩團屁股平似着俺銅相公誰不敬

小生銅士臭是也別號腥夫與同鄉白木甫極為

相契最恨的是烏有生那酸子今日約木甫同往
醉鄉去比并他携着行李早來到白兄家也見介
木甫行李已完否白行李已完之也銅好箇完之
也三字只這句文法烏有生再也調不來了白過
獎過獎小弟不過畧調共文之法也耳腥夫兄幾
時不見你身上一發香了銅不敢小弟畧畧帶其
銅錢而老木甫似我和你才學本鄉本土却不識
得一到醉鄉凡百事管取遂心也白我每就此起
程去罷

北清江引

謹語入化
唱每白也白得整俺銅也銅得頂腥夫舊

有名木甫天成姓。管教烏有生。遇着咱掃箇典。共下

第七齣 春閨針線懶

春閨私語
絕無俗致

夜游宮旦女隸同上韻致生成嫋娜。鎮日裏薰香獨坐。女繡線銷春春去麼。聽黃鸝睨睨聲窗外過。

清平樂旦三分春色漸次清明遍。女開遍海棠春

寂寂轉眼梨花寒食。旦針指坐對紗窗春風譜

人幽芳。女聰慧果然無二指尖幾箇鴛鴦。旦奴家

焉娘蒙嚴親之庭訓。既涉詩書受慈母之深憐。祇

描脂粉。今者三春多暇。白日難消。想起針指一事。

原是女兒本等。女隸可將沉香燒了爐內。把小閣

裏碧桃花折一枝來，養在瓶中，待俺做些針指。女
小姐這般天氣，好不悶人，不去園亭耍耍，做針指
怎的？旦痴丫頭，整日戲耍，可是女兒家勾當麼？快
去取刀尺線帖來，隨我學些針指。女這等我先去
折了花來，然後燒香做針指，便了。暫下

傍粧臺

旦

挽罷翠雲螺，春山淡淡鏡臺賒。試櫻唇纔

一點束蓮步，可無多。小旦取花上付旦介，紅衫試燃

花枝笑

女燒香介翠袖憑將香氣呵。女遞針線帖。旦

做介夜來神指。天孫錦梭早，難道班姬謝女不解繡

針麼。

前腔女羨爾月中娥。幽香慣自綠窗窩。論天姿雖絕世。賦性質更無過。杜鵑啼殺應難聽。芍藥開殘可奈何。想花心自曉怕鶯語成訛。可不道拈針不語暗裏着情多。

小姐俺女隸閒口兒亂說似俺也知道些春意。難道小姐這般聰聰明。番不曉得我知道了。小姐你敢怕俺下人說甚假學老成的。且休要胡說。女孩兒家道些甚的春意。小姐我兩月前看見隔鄰烏有生。好不生得飄逸。好不生得聰俊。小姐你可曾見來麼。且俺從不曾見來。

前腔坐淡桂叢柯。俺從來不慣。青瑣去窺他。便東墻
眞宋玉。分閒館。老陳娥。背介知他白面郎年少。暗自
朱顏嘆命薄。卷繡介慢拋絨線間收綺羅。對女笑介
也。自疑心。悄悄取梅香。此會可也。暈顏酡。

女當眞的春色惱人。小姐臉兒紅了。小姐那烏有
郎。眞是好人品。便前日老相公和老夫人都道
他好。有箇招贅他的意思。小姐你難道不聽得。

前腔好試展凌波。問牛郎不遠。喜的隔明河。莫無情
彈鳳操。敢有意。擲鄰梭。想春深。銅雀誰憐取。倘風便
用。來。自。別。
周郎莫慢訛。佳人才子。霜毫翠蛾。好待取粉郎人到。

約向翠叢駿。

且女隸這生如今可在家麼。女不在了聽得和朋
友醉鄉去了待回來時我說與小姐知道瞧他去
尾聲且繡窗可是閒無那。屈指的三春已盡。女怕有
日還成白髮婆。

慢對春風一自嗟。春風無限粉香花。千紅萬紫如
相笑笑。笑的朱顏老歲華。

第八齣 醉邑酒杯宜

西地錦。扮李白劉伶畢卓上。俠氣高陽足友。豪心醉
國堪侯。千秋白眼惟杯酒。看乾坤日夜如浮。

俠情奇致
覺酒德頌
醉吟先生
可都在臺

顛倒疎狂命世賢三人各帝醉鄉邊帝字奇可堪不盡曾

守塊千古猶傳作酒仙李小生李白是也劉小生

劉伶是也畢小生畢卓是也李俺三人絕世靈根

千秋狂性彩筆消其風慧文成而鬼欲啼痴心付

以三杯醉極而神彌玉酒國天子糟丘聖人倘有

慕風而來要當揖客而入敢云地主聊與天遊近

聞烏有生者豪情一似我輩痛飲正許吾徒已乘

牛渚之槎合下南州之榻言之未已早則烏有君

來也生四友僕同上

番卜算醉邑笑同遊醉主堪誰叩吾儕拚向酒中休

吞却天河漏

生四友早喜來到醉鄉也。既已入境，便合觀風。那前面三人，羽扇綸巾，輕衣廣袖，綽有我輩風味。應爲此內名公，要須詢彼姓名。因之訪其土俗。向前見李衆介三公高姓。初來貴地，願與指迷。李笑介：敝地先生久已辱臨，奈何猶云初到。愚生李白，這二位是劉伯倫、畢吏部。生笑介：原來是太白諸公幸會了。毛衆點綴好太白公與小生輩也是舊相識。李正：是便是。羅兄向年小弟作清平調時，着實被楊太真、欽重。羅這都邀太白公之惠。李好說生且休敘。

濶了聽僕一言三老既逢宜共作東道之主五人
有幸敢虛擎北斗之漿使不涿而據席端好相
而作會始李衆既荷不速之客願傾無盡之觴大
飲三江小吞百斗劉呼僕人看酒過來僕持酒上

衆列坐飲介

惜奴嬌生衆笑聚糟丘想生平興趣疎狂無右驅車
到醉邑江山如舊相耦吏部狂踪太白豪情伯倫佳
友希邁再請箇晉陶潛並譜入醉鄉蘭臭

前腔

李衆吾儔共割鴻溝早三分米氏醉城平守誰

奇語

人向麴蘖乾坤胡走相候烏有空懷四客文風三生

會偶情逗早挑動舊肝腸便待豪吞幾斗

毛太白公想華陰道上倒騎着驢兒恁般高致千古如見陳劉公酒德頌至今猶芬齒頰但尊闔而今不在更可盡量了羅吏部公不知更能夜間一出否想舍郎一縛更爲趣絕
生褚此皆吾輩不得於時之所爲也邯鄲之步豈易學乎

鬪寶蟾生衆仙流謫下塵遊便騎驢盜釀不妨一有
任頽然倒玉爲生惟酒閒窈功名一未酬婚姻百未
周待忘憂可道事大如天總銷却醉來時候

前腔李衆長謳逸興難休便精靈千載餘狂依舊想

盈懷壘塊銷來未久馳驟敲殘黃鶴樓倒番鸚鵡洲
更何愁可道座上賓稠正值着樽中酒有

李我之邊微密邇睡鄉軒轅皇帝及希夷公相距
不遠君能復爲遊乎
生此正僕意中事也奴星可

便隨俺睡鄉去

錦衣香

生衆

歎火牛驅人

驟笑沐

妙對

猴粧人

醜看龍

虎

紛爭觸蠻戰鬪而今總不到醉人眸先生烏有從事
青州把奴星改作酒星休早沉酣四友毛子濡其首
褚生酒透羅君滿腹陳郎開口

漿水令

李衆

醉鄉中

陶情已久

睡鄉邊

密邇堪投

希

夷老子好攀留。華胥皇帝。蝴蝶莊周。醉未足。睡堪又。
把黑甜軟飽都消受。千秋事。千秋事。商量待割百年。
內百年內兀突還休。

尾聲別介醉翁之意非關酒。李衆奈把臂又還分手。
生此去呵待將醉邑作并州。

顛狂嘻笑各披襟。千古相逢一片心。揮手別君應
共笑。男兒何處沒知音。

第九齣

高學窮增鬼

扮老婦粉塗至。項作情魔上。愚頑鹵莽性偏村。妬
殺人間愛與恩。文人自此無佳配。好女還看掩淚

可恨

痕自家情魔是也。妒人之合喜人之離。凡世上男
女婚姻是俺就中作阻。必無完美佳人配與村夫。
才子還他醜婦。孟光梁鴻德備而色不佳。相如卓
氏緣成而命還薄。憑俺惡妒斷人好姻。近來聞月
老那老頭兒。要與老娘作對。俺已結識了窮鬼五
人。爲俺羽翼言之未了。他兄弟每來也。扮五窮鬼
各藍縷破衣巾上。范丹原憲高風味。朋儔非六還
非四。須知在十去其五。便教滿七堪除二。咱兄弟
五窮鬼是也。各有主張。共立名字。大的名智窮第
二的名學窮第三的名文窮第四的名命窮第五

西苑言
的名交窳。俺五兄弟同心相應，同調相憐。世人一
遇我輩，便陶朱公也教壁立，就石季倫弄得囊空。

繡口錦心的文人，與他添些可恨淒楚，雕龍倚馬的才

子，莫想有箇風流。自唐朝韓退之漏俺姓字，至今

箇箇聞俺之名，近來却有情魔與俺交結，號作情

外六友。昨日聞得烏不先生，乃是絕世才子，彼與

密友四人，共往醉鄉一遊，高興未終，又將至睡鄉。

戲耍想睡鄉，正是俺熟遊之路。兄弟索與磨折他。

一番去，衆此事索與情魔老姐說知，在他更可助

力。交那前面不是情魔姐也，智相見介。智魔娘，你可

曉得麼、近有烏有竺者、乃是絕世才子、彼與密友
毛生輩、共遊醉鄉、因至睡鄉、老娘索與愚兄弟磨
他一番去、魔我亦聞有此人、原來却到睡鄉、正好
用俺磨折窮弟、每就此聯袂同去便了、

此耍孩兒想文人自古痴無比、婚和宦兩番縈繫、姻

相。我。仁。襦。尤。歲。

緣要得俊明妃、論功名須是聯魁、俺烟花隊裡堪磨
折、你青紫場中好作爲、乘伊睡、弄得他銷魂落魄、喪
氣低眉、

五段、激、駭、特、甚。

一煞智惡爲圓、只喜友恥爲奸、不忍欺、生平自笑無
機智、由他世態千伶俐、只有昂藏一肚皮、真迂滯智

窮是我。不合時宜。

二煞。學博鴻名。挾杏微。挹群言。執妙機。九丘八索。皆通識。張華博物。成何用。劉峻書。遙祇自癡。毫無濟學。窮是我不療人饑。

三煞。文不窺董子園。時然劉向藜。奇奇怪怪文無敵。雕龍倚馬。空名譽。弄月嘲風。有是非。招人忌。文窮是我。錦繡何裨。

四煞。命我生偏不辰。鴻鈞賦不齊。堪憐影與形相異。屈原空復懷脩美。賈誼徒勞歎數奇。長吁氣。命窮是我。富貴何期。

五煞交結朋儕吐肺肝惡交遊沒信實翻雲覆雨全
無義將風將雨真知己將樂將安不我知空盟誓交
窮是我四海無依

六煞合笑書生筆陣稀笑英豪心事奇無端却遇吾
兄弟蠅營狗苟驅難去吐舌張脣不忍離成就他名
干世道的箇語言無味面目堪嗤

煞尾烏有相如賦窮文韓愈題情魔添入真遊戲想
着這名利場中有的冷罵是千般鬼

第十齣 校童僕可師

出隊子白一丁銅士臭同上醺醺狂飲醺醺狂飲白

輕薄處是
一段世說

酉雜言
子銅郎臭味深。已從醉邑結同心。把臂還邀入睡林。
遇着烏生將他廝侵。

白俺白木甫銅腥夫共到醉鄉。却不會與烏有生
相值。聞彼徑往睡鄉去了。睡鄉一發是俺大家的
路。此回前去。定要比并他一番。腥夫兄好撐着眼
睛。莫又被那廝溜過也。合唱前遇着烏生二句下。

前腔 生四友上。陶陶痛飲。陶陶痛飲。天樣曾懷酒量
深。睡鄉應復有知心。黯黯雲烟隔遠林。早是黃昏蟾
光半侵。

生四兄自別了醉鄉主人。又漸到睡鄉城郭了。看

此風景比醉鄉更復不同、天色已晚、越着這月色、
趕早進城去、合唱前早是黃昏二句下

前腔、奴負行李上、雙雙豪飲、雙雙豪飲、自是東人情、
致深、不禁小僕驗君心、待把臀尖作肉林、酒脚墮些、
紅光面侵、

自家奴星便是、跟隨烏有相公到醉鄉也、喫得稀
泥爛醉、面孔通紅、與那猢猻屁股一樣、今相公又
與毛家郎四友、同往睡鄉、俺肩着行李、不覺相失
在後、索用等箇人兒作伴同去、白銅上睡鄉遠不
遠、烏生來不來、丑上前見介二位奉揖了、敢是要

睡鄉去麼。白是要睡鄉去的。你問我怎的。奴俺也要去。正好作伴。銅看你倒也伶俐。可叫做甚名字。

奴你二位尊姓大名。白你要問俺姓名。我是白相

公表字木甫。他是銅相公。別號腥夫。奴背介我看

此二人俱乃是箇白木。待我作弄他一番。回介却

原來二位都是朋友。失敬了。小生可也輕薄在學。銅這

等高姓尊號。丑我姓杜。賤名李白。白妙妙。杜甫李

白串攏。絕通絕通。銅木甫兄。你又差了。杜李杜李

原是一箇。白原是一箇。我却不知。但李白的白字

又不知與我姓白的白字一樣寫的麼。銅這箇怎

麼、一、樣、寫、奴、銅、兄、你、又、不、知、了、我、這、李、白、的、白、却、
是、他、白、家、的、祖、宗、銅、承、教、了、原、來、李、白、却、是、他、姓

頓悟

白、的、祖、宗、這、等、誰、是、俺、姓、銅、的、祖、宗、奴、你、却、是、沒

有、祖、宗、的、銅、怎、麼、奴、只、因、你、表、字、腥、夫、有、些、腥、氣、

誰、要、你、這、臭、子、孫、銅、罷、了、臭、字、又、犯、諱、了、奴、怎、麼

犯、諱、銅、我、賤、名、士、臭、奴、這、等、得、罪、了、二、兄、可、趁、早

進、睡、鄉、去、罷、俺、主、人、相、候、久、了、銅、你、敢、是、睡、鄉、教

書、麼、奴、不、是、白、這、等、怎、麼、有、主、人、候、你、奴、笑、介、是

俺、家、主、人、烏、有、相、公、白、罷、了、罷、了、你、原、來、是、烏、有

生、小、廝、却、騙、俺、是、甚、杜、李、白、奴、只、因、你、也趣、二、位、肚、裏

白、我、所、以、說、箇、杜、李、白、若、論、我、這、杜、李、白、還、強、似、
你、那、肚、裏、白、跑下白活活羞死活活羞死倒不會
比、并、得、他、與、他、家、小、廝、叙、澗、了、一、會、銅且、不、要、計、
較、他、既、然、他、小、廝、在、此、主、人、定、在、務、必、尋、他、出、氣、
便、了、笑、殺、一、小、僕、輸、將、兩、相、公、下扮、莊、生、花、衣、廣、
袖、作、蝶、飛、上、

前腔、清、清、露、飲、清、清、露、飲、却、笑、凡、夫、嗜、慾、深、而、今、應、
得、許、無、心、一、片、天、機、蝶、舞、林、飛、入、華、胥、遽、遽、莫、侵、

自、家、睡、鄉、中、蝴、蝶、是、也、又、道、是、箇、莊、周、我、也、不、知、
便、玄、幻

聞、有、鳥、有、生、者、將、友、至、我、之、邑、軒、轅、老、子、教、我、飛、

來接他。只索舞向前邊。導引他每來也。正是蝴蝶

夢莊周。莊周夢蝴蝶。飛舞下。

第十一齣 睡鄉真適志

應不減大蘇睡鄉記

金雞叫。扮軒轅黃袍白髯冕旒。陳希夷白袍束髮冠。

同上坐厭君王榻。華胥一枕超超觀化。希千年酣睡。

華山下臥老白雲。驢兒慢跨。

軒轅臥作帝。處士睡忘家。有覺知非覺。人世即天。

涯軒老子軒轅氏是也。希老子陳希夷是也。軒想。

俺一夢華胥頓然忘反。看此人民風物絕勝中華。

希真箇是無傲無譁。太平國土處士亦戀而忘歸。

矣軒希夷子。俺聞得烏有生。將至我國。遣莊生往
邀之。可待來也。希此輩世情甚深。總來俺國。恐無

得趣。軒同在睡中。有何得失。正要點醒他一番耳。

希老皇帝言之有理。遠遠望莊生飛舞而來。烏有

莊生到也。莊生上作蝴蝶飛向軒前大舞一回。引生

衆上。卽下。生衆上。

逍遙樂。兩眼朦朧。翩翩蝴蝶。鈎人耍問。睡鄉何處是。
人家百雉。酣城一池。臥水幾弄昏笳。

不覺卽夢。知夢卽覺。醉耶睡耶。超然渾璞。俺烏有

生偕四友。奴星同來。睡邑城郭之際。見有大蝶飛

舞俺每相隨而來。又不覺到這皇帝面前也。這是
那一位皇帝穿白者得非山中宰相乎。軒希笑介
你管我甚皇帝宰相也。

皂羅袍。問甚君王陛下。甚白衣宰相。未脫山家俺華
胥國土少繁華。便居民雞犬多瀟灑。官寮臥理沒甚
廳衙。人民安寢沒甚奸猾。一任勦勦睡倒無春夏。

生有這樣快活的所在。奴相公我每住在這里莫
回去罷。

前腔。生衆果是風雲如畫。似桃源問渡牛渚乘槎。怪
來盡處繞烟霞。相看更復無車馬。標枝野鹿說甚桑

麻鼠肝蟲臂。爭甚窮達。這是當年混沌真天下。

軒生既到我樂土，便可去其凡心，不爾恐被睡魔

苦也。

尾聲生陶然幸接先天駕。毛衆這光陰是真還假。軒

希怕世事回頭亂似麻。

世事悠悠未可談。生衆只應莊子解師聃。軒若使

俗緣難自脫。希底成暮四與朝三。

第十二齣

夢媼太嗟咨

怨東風

貼素衣扮春燕。漢上。半老多悽愴。春情還自

醜。低徊暗數去年光。浪浪浪浪。惜玉無人行雲有夢偷。

管讀東坡
校被每因
東隣女換
何時逢春

此復為
久之
挑動

香罷想

少年遊少年曾伴貴郎遊春晝倚粧樓一時憔悴
香消花謝憶却舊風流風流夢見還真否覺來
空自含羞世事多虛人情底幻叅破不禁愁自家
春夢淩是也空色色空慢提起舊時粉黛有無無
有嘗覩破貴客繁華因此烟花隊裏號作解人脂
粉叢中推為達者近來與烏有生詩文來往和焉
小姐針線商量我看此女此郎果然佳兒佳婦但
兩家都未明語我一人那得輕言且又聞烏有郎
醉鄉數月尚未回還多半又是睡鄉去了你看春

國朝詩
暮夏初、紅稀綠暗、俺半老佳人、雖然識破、那不傷
心、數日來、好悶人也。

讀罷令人黯然。

山坡羊。絲陰陰叢林屏障、黯深深紗窗幽曠、韻悠悠
時禽變音、醉迷迷舊事、心兒上心暗傷、桃花葉底蒼
胭、憔悴粉悴、粉悴無人傍、莫捲龍鬚、由他塵網、難忘儂
也曾爲新嫁娘、難忘枉自爲人作嫁裳。

俺想起來、少婦濃華、旣屬難留之夢、貴人聲勢、真
同已逝之春、思俺名兒、豈無解者。

前腔。鬧攘攘玉堂金榜、熱親親交多戚廣、冷淒淒投
荒弔、炎悶昏昏、門可張羅網、春去忙、回頭夢一場、功

名富貴富貴都成浪一似烟花同歸秦莽相當昔日
○配○合○不○差○
繁華脂粉香相當今日衰顏勢位涼

且在這往事休提了我想焉小姐這般才貌必須
配得烏有郎方為厮稱進數日到他家一望對老

夫人慢慢講起倘有烏生的意思便與贊成好事
也見俺老娘是箇知趣的那焉小姐呵

絕會描寫應見過佳人來

前腔俏波波嫦娥謫降媚妖妖官妃模樣嫩丕丕身
裁粉團滴鮮鮮一似花初放箇樣娘應歸甚底郎他
風流蘊藉蘊藉情兒廣閨苑無雙瑤臺沒兩堪商問
取嬌姿幾日芳堪商莫待東風一夜狂

西苑詩
焉娘歟變既成絕世之佳烏有才情更屬千秋之
俊那郎君可也不是尋常人品

自寫本色

前腔氣昂昂人才倜儻響錚錚言辭豪壯趣風風情
懷逸騷怪奇奇可也神仙降文翰長生花彩筆香研
朱潑墨潑墨龍蛇樣有底雄才好圖鴛帳難量誰似
兒郎錦繡腸難量合醉佳人翡翠傍

一自紅顏鏡裡淹年來無復問朱簾何當復爲他
人計却教那娘春夢懣

第十三齣

空憶臨邛美

秋蕊香生丑隨上慢負才高年少蹉跎幾過春宵待

思卿傳王
孫原有兩

絕奇

文君令

向他鄉尋窈窕，好受用粉圍花繞。

落落見郎未就姻，牽帷少箇意中人。嫦娥問取真
憐否，好爲書生諧晉秦。烏有生既遊醉邑，復適睡
鄉。功名之興稍疎，姻戚之懷更迫。自分如吾才子，
必須有箇佳人。天那不知那標標致致的姐姐，生
○文○人○在○在○痴○想
長在那一家也。

錦纏道憶多嬌，自生成柳媚桃夭。吹氣蕙蘭飄也知
他有的素口蠻腰，知你在甚秦樓吹將鳳簫。知你在
甚藍橋付與瓊膏，俺性格雅風騷。俏冤家幾時來到
怕春深鎖二喬，望殺了東風月老。知何日雙雙笑向

碧雲霄

朱奴兒憑着俺玉堂俊髦也未必怕沒有金屋妖嬈想朱履

雲鬟翠鳳翹好韻致蛾眉淡掃可正是瑤宮首標無俗氣多風調

毛衆上夢向癡中有情知睡裏長烏有兄獨坐在

此敢想着甚麼奴俺相公冷靜不過想箇人兒陪

陪四位替俺相公做箇月老毛笑介原來爲此不

是俺誇口俺四人爲媒知趣的岳翁定是許的奴

你道是文房四友如今人一發不作禱且莫開談

所想

我聞得卓文君有妹在家意欲擇配他嫡親姪妹

定是一般風味，烏有九怕做不得長卿聯袂麼？這

又妙

事十有九就，只明日一拜臨叩，令要他推重卓三
孫自來請也。羅這等若到他家，又須彈一曲鳳求
凰了。陳這是不消說的。

好姐姐

毛衆

似伊家長卿致高，自合有文君湊巧。卓

土口目趣

家幼女應如阿姊，招求鳳操，好將綠綺重披，掉再向
成都半夜逃。

前腔

生

想王孫從來草包泥，內眷知音絕少，怕大姨

風味小姨未必饒。臨叩道：又兼令尹新來傲，未似當

年青眼瞧。

尾聲毛衆文園逸事千秋表。做聯衿知君絕好。况文

君之妹。又是處子。那豈豈含胎分外妖。

衾枕淒淒誰與温。無聊且過卓王孫。長卿可也能

羸。只恐文君妹子村。

第十四齣

難邀令尹施

口是官情
世態

梨花兒扮二皂隸上翎毛孔雀威風占。腰束紅縵分

外倩。時時醉倒黃公店。嗒便叫我。是皂隸老爺。不是

十分僭。

咱兩箇臨邛縣皂隸是也。老爺升堂。不免伺候。

駐雲飛扮臨邛令書吏隨上一縣觀瞻束帶升堂笑。

拂髻皂書吏等見介書吏庭前閃皂快塔前點。嗟慢
自撇靴尖做出箇官人嘴臉想着那紙贖錢糧不許
些兒欠勾我歸家買屋添

直中折高

下官臨邛縣是也與司馬長卿來往作成他卓家
親事因此秀才每都要尋俺賓館中一日少也百
餘箇我近來厭於交接兼之如長卿者有幾因此

高見

一槩拒絕不見但有富貴子弟或監生等送禮幣
的倒與相見書吏每不是我老爺貪濫好官多得
錢耳書吏爺說得是令今日公事已畢若有送禮
的便可下館白銅公服上

前腔慣自趨炎。白璧黃金彩段兼。見門上介牌頭通

報。道白秀才銅秀才未見。有禮幣在此。陰陽生上誰

爲白銅秀。不解陰陽生。二位送禮的麼。怎不問我。倒

去央他。白銅這等煩通報一聲。這箇包兒送你。陰接

包稟介。令是送禮的麼。陰是。令如此快落館。令出白

銅打躬入。叙坐介。令二兄還是在鄉在城。白銅門生

暫遊貴治。特慕文風。些須之土。空陳上。令如此是遠

客了。又煩重禮多謝。多謝。叫門子白銅二位相公遠

客。收了禮。看茶來。門取茶上遞介。白銅老師。門生二

人呵。禮物羞豐贍。陳餽猶慚歉。啖雅量不憎嫌。還有

下情一點。令有何見教。但請直談。自銅瑣瑣于求。敢怕明公厭未敢分明出舌尖。

令如有見諭一定領教。白昔日司馬相如辱在門

下得借其光榮遂成其卓氏之親。門生不才聞卓家食客如昨。意欲借重老師。或者得蒙其矚睞也。是客中一便也。令這容易。明早即來奉拜。兼蕪達於王孫便了。銅門生不善作文。被人之輕薄。聞老師目下季考。敢求賜在前列乎。令也領教。取足下作批便了。生公服上。

前腔敬謁陶潛。怕彭澤臨叩不共廉呀。原來令公落

館在此，也有朋友在內，正好相見。入介陰稟介又一
秀才來了，令又來作甚事的，厭厭。生謁見介，令慢緩
介生背介，他體貌居然僭禮數千般欠，喏俺曲體自
謙謙他，覷如讒語相對無言。令尹君般儼莫作當年
舊令瞻。

轉介門生烏有生，久聞老師高誼，敬此拜謁。令不

勞。生聞老師與卓王孫交契，王孫食客猶昨，門生

旅中，敢此借重。令秀才家自合閉戶讀書，纔是這

等富人俗氣，不必與他來往。生畢竟還要借重。令

也罷，我明日要替白兄一談，帶說着你便了。白銅

如此門生輩別了，令送介，何必非公事，時時到滅明，共皂等下白，你就是烏有兄，便空你了，若非俺二人送禮，定是不見的，又一件，卓王孫處，也是我帶挈你，生老兄，斯文一脉，何必說此等言語，卓家我就不去也得，自他，也不開飯店，未必請你，淡淡，淡共銅下生咳，不想世情一至於此，你看此二人，分明是箇白丁，那縣公十分敬重，我烏有生是箇飽學秀才，他覷如無物，咳，黃金是箇寶也。

何消說。

前腔世態涼炎，只許鮮花錦上添，有的官情險，羞殺書生臉，空有鄴侯籤，和着稽琴張劍，怎似阿堵錢。

神有的光芒焰待把黃卷拋殘學負縑。

慢說臨邛令尹賢邇來亦復賞銅錢媿深羞作儒

家子何似當年早種田。

第十五齣 徒將鼓瑟意

遶紅樓扮卓王孫司馬長卿僕從上卓堆積黃金廣

貨財臨邛令常到門來司想鳳操低彈駟車高載舊

事尚堪懷。

卓富比陶朱百萬貲英才復喜作門楣司非關綠

綺能成合自是紅顏有鑑知卓長卿賢婿我卓王

孫做了一世財主招你一人增却多少光彩只如

如此着想
填詞真堪
千古

如今纔曉得麼

今小的女兒尚未許人，我的眼睛原是瞎的，不敢胡亂擇婿，但也憑他自揀罷了。司只怕姨娘主意與阿姊却是兩樣的。卓昨日臨邛縣公來拜，說有一白秀才，名一丁者，是箇才子，又有一箇烏有生也，薄有時名，我今俱着人請他筵席，不知可到來否也。司想必就來。

不是路。生白：丑攜琴同上。拂拭塵埃，爲到王孫綺席來。生想臨邛縣公呵，他人情大，却教銅臭重賢才。白：開口就叫俺朋友名字。生那箇是你朋友。白：昨日同見縣尊的，不是。生笑介：這等得罪了，莫嫌猜同袍一

脉由來在。自我拖帶你風光須記憶。僕稟介白相公
烏相公都到了。卓司出接介忙迎待。今朝荆識雙英
邁。敢言傾蓋。敢言傾蓋。

揖進介卓。那位是白先生。白小子便是。卓久仰久

仰。這是烏先生了。幸會幸會。生此位就是長卿老

丈麼。司不敢。烏有兄。小弟一向久聞大名。生不敢

原在子虛賦裏

奴白相公鬚鬚多長。怎還未冠。白也要你來多嘴。

你的鬚鬚又不長。奴白相公忘記了。在下是杜李。

白。白羞介阿哥莫提起罷。卓拂席介二位先生學

生粗鄙不足敬君。小婿薄有時名或不為辱客耳。

〔生〕好說，有是翁，方有是壻。〔白〕老丈過謙矣。我看老丈之面孔，還勝似令壻之面孔焉。〔卓〕白先生過譽了。小廝看酒過來。

前腔。〔卓〕遞酒介。〔玳〕瑁筵開。〔媿〕我村愚小壻才。〔司〕休相

外。就中一段好緣栽。〔低〕對生介。妻父還有一姪妹，尚

未許人。〔生〕笑介。全仗全仗。〔白〕問介。相如老兄說甚的，

〔司〕不會說甚的。相如是小弟賤名。〔白〕我常聽得人說，

〔司〕馬相如。〔司〕馬相如只道是你尊號。這等。〔司〕馬遷是

你尊號了。〔生〕背笑介。笑奴駘長卿。姓氏還不解。又把

太史龍門胡亂猜。〔卓〕舉杯介。二公請乾幾杯。小菜請

酉外言
進一二、丞相愛好、教杯底猶餘、在進些、蔬菜、進些、蔬菜、

生久聞長卿長於綠綺、敢請一教、司小弟不足道、
想老兄定是妙的、敢洗耳以聽、生這等是班門弄
斧了、奴星取琴過來、卓又來彈琴了、我是不知音
的、且進去睡睡、下司老兄請操一曲、生彈介白獨
坐飲酒冷說介好沒趣、酒也不喫、只管彈琴做甚、
生長卿兄呵、

紅納襖、俺不能勾效凌雲把詩賦裁、却待要學求凰、
把絃索揣、知道咱妹夫底得、兄夫在、只怕他小姐無、

如大姐垂俺這里弄班門諒不該莫做了鼓齊門全
不采天那那多嬌可又知音也好向珠簾敲玉釵
前腔司烏有兄呵俺待與做聯袂一隊排成就你狎
紅裙一世的采若教他文君小妹無佳客羞殺了司
馬姨夫說俊才想着俺那女鍾期音律諧管取他小
琴娘情事藹便阿姨猶自含羞也令姊還應做說客
來

白厭厭厭我自先回去了帶了你這俗人一席好
酒一些趣兒都沒有了司馬兄多謝了多致意妻

父司你也妻父白這等令妻父司笑介白兄且莫

忙、俺妻家有數通宵之飲、如今且與二兄花園嬉

嬉去、一曲求凰操、千秋跨鳳緣、共暫下旦扮文君

小旦扮文君、妹共上、家君邀貴客、姊妹覲佳賓、卓

尾上介、小姐姐、纔方箏箏彈琴的、又是姐夫了、文

不是、我聽得小廝每說、是請來的烏有秀才、小他

彈的是甚麼曲、文也是求凰操、小甚的求凰操、我

得、妙、一些也不省得、姐姐、我看司馬、姐夫朝日談文、作

賦、畧沒些兒趣味、我若嫁箇妹夫、決不要這樣的

文、倒不要這樣的、敢要那樣的、小只要像我爹爹

有穿有喫的、就是好兒郎了、文若要這樣的一發

多了。

解三醒不是我文君誇賽再選不出箇司馬人才他
題橋意氣真豪邁喜殺人駟馬歸來小姐姐不記得
他窮時了文怎不記得便家徒四壁何妨害就滌器
臨叩越俊哉真堪愛到頭來茂陵割寵又與我白首
同諧。

包彈得妙

前腔小全不記犢鼻禪那時風槩全不記消渴疾那
樣情懷你雲翹錯把雲英愛不羨這投杵仙才只要
他珍珠有的船兒載便拚箇白璧歸伊袖裡揣文聞
烏有生乃遠來之客可惜孤負他一片琴心小休錯

怪全不省彈琴之意。慢提他千里而來。

文道等我且和你張他張看。小若是彈琴的客也。

不消得去張了。文笑介這樣俗氣。卓出介姐妹每

不去繡房針指。在此閒談甚的。怕有客人窺見。快

些進去。文同爲卓氏女。小偏不解琴心。共下。卓向

寫出俗腸。

年司馬長卿請他喫酒。只爲彈琴緣故。我文君女

兒私奔了去。出不盡醜。祇虧後來做官。遮蓋得些。

今日這客又來彈琴。只怕小女兒又被他引去。且

喜這女兒倒有見識。只說要像我有穿有喫的便

是好兒郎了。我看席中白秀才。滿身羅綺。是箇富

家子弟。縣公又說他文才好。不免將女兒招贅了。他罷。叫小廝。可只換席面過來。請司馬姑爹和白

相公。烏有相公出來重飲。僕請生白。司上介。生白

老丈多謝了。卓好說。白先生老夫不揣。却有一言。

老夫還有一小女。尚未許人。欲爲彼覓一佳婿。見

先生體貌衣服。委是佳郎。意欲招贅俺家。不知可

否。白承妻父厚意。小婿怎麼敢辭之也。卓這等就

勞烏先生與司馬郎作媒便了。生小生微有薄事。

就此告辭。白你不肯就罷。也不稀罕你。司岳翁主

見這事。只怕姨娘未妥。卓小的女兒。一發情願的。

司他可聽見彈琴否。卓他一發不中意，不比得文君女兒。司這等不消說了。生別介。卓有慢了，送生出介。扯白介：賢婿就可與小女成親去。卓招將小女婿。司羞殺大姨夫。共白下。奴攢琴介：相公這遭再莫彈他。這活活是破親的物件。生他倒是好的。只如今女兒不知趣也。

朝天子空自挑琴學弄乖，他別有琴心在事不諧。女兒俗氣似爹來，莫憐才。枉羞人底樣佳懷，慢思量鳳釵。慢思量鳳釵。

卓老何曾識長卿，文君千古調難賡。聰明自誤獲

郝翁眼又
變了奇絕
快絕

何說悔不生來作白丁

第十六齣

笑殺坦琳兒

寫照

〔奴上〕丈夫看了怪。女子見了噴。天下最滯物。無過

讀書人。俺相公思量替卓家做小女婿。央了臨邛

知縣說去。又有司馬相如幫襯。只道事成八九。誰

知枉自彈琴。他家女兒。不比得文君姐姐伶俐。全

也挑動不來。那卓王孫老兒。又一向駭的。聚濶了

一會。輕輕的把白丁招了。不要說相公氣。連我奴

星直要氣殺。若論那白一丁的才學。我也比他畧

通些。如今人輕文重富。一至於此。相公熱心不冷。

毛家郎四位說的。郝家頗招快婿。教他學王羲之
坦腹東牀。早又來他家裏。不知這丈人翁可知趣
也。生上。

玩仙燈。羞殺弄朱絲。吹不到知音兩耳。

此想又奇

烏有生卓家沒興。又走郝家。想郝翁具眼不比得。
王孫俗輩。這女婿敢做得成也。銅士鼻上。

小蓬萊白子已成佳婿。銅郎又覓嬌姿。想郝家女子。
王郎之外無過銅兒。

俺銅腥夫聞得白木甫。與烏有生卓家去。無意之
中。招了俺木甫兄。那烏有生失意而返。早是比弁

得着也。今聞烏有生。又來郝家覓配。俺也跟來至此。想起凡事。須要獨創。莫襲常例。那腐儒一到卓家。便彈起琴來。誰知他家厭聽了。倒招了不彈琴。

的。今番來到此家。想彼斷然。又是坦腹了。我今偏不坦腹。看待招誰。倒原超見生介老兄請了。生兄是銅兄。

來此做甚。銅老兄來此做甚。生俺困倦了。且到他東廂牀上睡去。銅你自去睡。我且在此搖擺擺擺。

奴我也陪你搖擺擺擺。銅好沒上下。你是何等人也。來看樣。奴笑介。腥夫兄就忘舊了。在下柱李白。

銅不采你不采你。行介。奴偏跟你偏跟你。隨行介。

生睡介扮僕人上看介甚麼人來到我家。奴大哥，是俺烏有相公。聞府上高誼，特來拜謁。一時困倦，暫臥東床。僕問銅介公又何來。銅我是銅相公，特來拜你主人的。奴大叔實不相瞞，我相公年方弱冠，尚未有親，聞府上門風實好，小姐又多，故此相公特來拜謁。僕原來爲此，對銅介，恐怕相公亦爲此而來。銅好聰明的管家也。言之着手。僕既如此，待俺稟知家主去。銅我且到他門前走走去，共下生床上臥了多時，怎不見箇人來，好悶人也。

黃鶯兒東榻慢相支效伊顰實可訾，筭將快婿須招。

字。休嫌兔絲。應知俊姿。想郗翁具眼。終堪恃。好花枝。
這回折取。不負坦床時。

又臥介扮王右軍上。一時修禊事。千古說蘭亭。自
家王逸少是也。聞有烏有生來俺岳家。却又坦腹
東床之上。意圖姻契。咳。他那知俺岳翁眼睛。而今
也變了。不免回覆他去罷。見奴介烏有相公那里。
奴在東牀上。王行見生介。兄非烏有丈乎。僕卽王
羲之是也。聞兄遠來。特此晤語。老丈。我岳家不比
往時識人了。

前腔。當日解雄雌。到而今。盡反之。怪人提起東床字。

西華言
如今招的門婿呵，嗔他賦詩貪他厚貲。孔方兄絕好良媒氏，慢陳詞期君心諒，誰復識馨兒。

小弟就此別矣。長兄幸自裁之。下僕與銅上烏有相公，怎麼還在此。俺老爺說俺家就多小姐，再不招王姑爹這樣人了。如今只畱銅相公在此爲婿，却是俺老爺嫡親姪女相配。銅烏有兄，你不該又坦東床那王古軍姨夫，俺妻伯近來一發不喜。生笑介：王右軍也不曉得，王古軍銅王古軍是王羲之的號，我倒會差生。又好箇王羲之管家，難道王羲之不是好女婿。僕當初是好，如今不作了。

前腔舊自作義之。奈今時又一時道他每只寫得幾

此輩何

箇蘭亭字便籠鵝逸思流觴佳事總來覷作風狂子

富家兒金多堪取不惜粉紅姿

銅姑夫我每進去罷銅烏有兄恭喜恭喜不奉陪

了共下生羞介咳不招我烏有生倒招這樣女婿

丑啐介都是些瞎子何不招了我罷你看那銅家

的王羲之都叫差了怎的與他做姨夫好生不想

如今擇婿竟是這樣了

前腔笑殺臭銅兒把羲之作義之王古軍有的多白
字牽將臭絲真成戚施近新來擇婿都如此漫嗟咨

番成媿根。撚斷數莖髭。

奴相公莫氣，有你的才學，怕沒有好親事。天氣已

暖，且到箇人家歇下，再作區處。生坦腹空為可奈

何。奴變却祁翁，奈若何。生右軍莫道風流好，便好

風流誰賞麼。

第十七齣 竹氏紛堪解

奴上無處求佳眷，還來抱竹奴。俺東人睡鄉中求

覓婚姻，東不成，西不就，只得暫在人家歇下。此處

只有湯竹二姓歇客，目下却是竹家得時。我相公

便在他家住下。這竹家內眷倒也聰明清趣。相公

自然走出
竹錫二奴
幻中又幻
真陽羨生
伎倆也

公可也。權消煩惱，只隔隣有箇湯婆。妬心，敢怕有爭競也。俺且去睡他。一覺莫管他娘，下生上空自抱情多。無緣可奈何。淒淒不得意，待欲夢南柯。烏有生才學人品，那些欠缺，爲甚求求親事。那家不允，這家不就，顛倒招了銅臭白丁。無可奈何，只得暫在人家歇下，且喜這睡鄉中，多是女子當家。這竹家女子，頗亦閒冷可愛。小生微綽其趣，聊解我煩。雖然彼沒推辭，却也算不得真勾當也。

北賞花時，枉自負高才。一世無那些箇琴挑動，彼姝世態煞輕儒。說甚麼鄰翁具目，可知道阿堵勝詩書。

么無奈還過竹氏壚。林下風情韻致疎。舉趾大家趨。
奈不免郵亭陶穀便風光好。那滋味總成虛。

暫下

青翠衣扮竹氏上

新情喜夏月舊號喚夫人

奴家竹氏。瀟湘人也。因俺資性通疎。骨格清冷。舊
有夫人之號。近來在這睡鄉中。暫當酒壚。爲延貴
客。喜的有一鳥有先生相過。俺便畱將在此。可奈
隔隣婦湯婆。心懷妒忌。要來尋罵。今日索與他辯
箇高低也。呀。却早鳥有君來了。
〔生上〕娘子。小生偶
常悶緒。幸近清標。便待長畱。敢言暫寄。
〔竹〕好說。賤
妾偶薦枕席。總無雨雲。叨此虛名。媿君實愛。只隔

隣湯家婦人、心懷不足、要和俺尋事、今日免不得
出一場醜也。生娘子休要在心、待他來時、俺與你
講和便了。竹郎君這婆娘是不知高低的、待俺數
的他暢了、纔與他和。紅衣粉湯婆上、我自非炎侶、
隨他號錫奴、奴家湯氏、錫山人也。宋朝黃山谷作
詩相贈、頗道俺好處多多、嗔怪竹奴相奪、使我夏
月無依、今日索與他辯箇高低也。見介呀、原來郎
君在此。生你兩家兒、我隨着時節、都好來往、今日
特與你每講和。湯郎君再休說此話、這世是難了、
竹你不肯和也、自隨你、只俺有甚不足於你來、

中呂粉蝶兒 一樣身軀。隨着時相。畱伴宿。便炎天是
我當爐。甚來由沒好歹。一謎的相嫉妬。可不道冬月
之餘。那其間誰來嫉汝。

湯
噤聲

醉春風 偏則你有口兒會羞人。須知道俺沒心兒也。
有肚。只看你虛囂身子。眼兒多也。不索俺估估。只合
付之坑廁旁邊。灶欄底下。灰堆處所。

竹
呀。開口兒便呪人也。

紅繡鞋。火心腸。把人唐突。熱言詞快你。胸脯非是俺。
苦爭夫。寒宵鄭作主。夏月我堪娛。怎強得那東君相。

共暑

迎仙客。俺不能雲想衣裳。花想容。可知道雪作肌膚。
水作骨。何曾敢熱氣兒湯着。夫主若教你相從。六月
餘。惡的人一刻難畱住。這其間把兒郎熱殺將何處。
說甚的多情侶。

湯呀。偏你會說麼。

石榴花。可是你冷面皮多心曲。會瑕瑜。俺可也一句
把伊誅。若教你在嚴冬裏。意趣一毫無。凍的戰兢兢。
寒水地獄。可是淒慘慘。冷心奴僕。不由他把您高閣。
將俺心腹也。只是侵人冷氣。教人疎。

鬪鶴鶉。就是您暖日歡娛。你可也有幾件兒難數。光
露着你瘦削之軀。羞不羞。赤條條坦腹。怎抵我穿着
衣服。怎抵我覆上羅襦。怎抵我有的儀容。怎抵我有
些禮數。

竹咳。俺倒不如你麼。

上小樓。甚的來衣裳包汝。却羞伊形容。盲瞽俺可也
素質生風。香肌無暑。玉骨蕭疎。便把俺氏族譜來細
數也。須知好人家的兒女。俺有那些兒堪人笑語。

湯你就數來。

么竹班的。是班婕妤。好還有那班大姑紫的。是紫姑之

女鳳尾的是蕭史之妻。觀音的是南海之妹。瀟湘的是帝子。英皇親眷屬。難道我竹家人似湯家之婦。

湯住了再待俺數落你那不好的來。

白鶴子也不須用幾錢。但貧子未嘗無。則問你這竹夫人也。難道是稀奇物。

竹你再可有話麼。湯有哩。

二一朝的不用汝。牀脚下棄青奴。受用些土和塵。滿面鋪還有的。蟲兒蛙。

竹你又有甚好處來。

三羞殺你儀容兒。還似土。便就是氣息兒。把人觸。但。

西維言
棄置的最堪憐。便溺器兒還伊做。無島鼠獸人飲也。

湯啐還有麼。竹有哩。

四包彈的難過活。這一句更還毒。有甚麼好身兒對着伊。則不過賞着你雙雙足。

湯氣夾我也。我待打這婆娘。竹啐好不識高低麼。

快活三罵你箇湯婆忒煞粗。湯罵你箇竹狗婦天生

毒。竹罵你箇胡言滿口把人污。湯罵你箇斬眼兒將

人妬。

生你兩箇也不要爭了。苦苦的傷了和氣。今日大

家也說得勾了聽俺一言調和也罷。

鮑老兒勸着你兩人休怒。一句話勸恁休拒遲和疾。
輪流值宿。捱次從夫少不得索偎着枕衾。兩下的有
甚親疎。

滿庭芳打常的總難孤負。須不是憐新棄故。道的箇

莫捲龍鬚。一任取網結也。絲鋪夏天頭中意了。槐亭

蓮渚朔風來看上了。煖閣紅爐竹家女。霜寒何補湯

氏的可能消暑。指竹介你做不得寒夫人。指湯他也

不能夏月變水壺。

耍孩兒講和了兩下休不足。做宅眷須當賢淑。歲時

伏臘兩分符。待時來各自徐徐。梅逢應是湯爲主。瓜

西...
及還看竹有夫。平分湯和竹。到冬來竹。還林下。到
夏來湯且幽居。

湯這等依郎君說。俺便和釋了罷。竹這等前番多

得罪了。生大家都莫提罷。

收尾不是俺蘇張舌會連和。也不免牛李般成惡妬。
則勸有心人。還是平心處。莫道咱烏有先生胡作主。

共下

第十八齣

荷花景自悲

破齊陣。日上白日紗窗香渺。熏風畫檻人閒。鶯叫春
歸。花催夏早。暗自傷心無限。底是俗緣羈。阮肇不奈

元白何粉
曉風殘

塵心掛杜蘭愁侵兩遠山

轉眼春花繁驚心夏日蒸妾顏如桃李春去不可
仍墻隅久相俟桑中慢自憇妾非懷春女常懷吉
士膺去去何不反坐令歲華增相看池中蓮玉欄
和淚凭奴家焉娘年華三五性格幽閒忽聞侍女
彈之言道有東隣之客雖生平素昧而文譽久騰想
彼才華定然奇俊奴家縱世情未解才調相憐聞
彼醉邑未歸值此荷香已放懷人觸景舉目傷心
風雲會四朝元年華成幻春風正蕙蘭忽桃花水面
蓋薇轉眼綠葉池塘產歎流光催趲歎流光催趲又

見。齒。首。開。餘。翠。蓋。擎。殘。清。露。流。香。涼。颺。吹。幹。擺。動。紅。
不。燦。啖。倚。徧。玉。闌。干。道。是。無。情。不。免。與。長。歎。妾。顏。荷。
盡。丹。妾。命。荷。花。晚。怕。秋。期。一。旦。零。零。落。落。香。消。粉。散。
前。腔。香。消。粉。散。蓮。心。苦。自。餐。却。憶。六。郎。人。物。荷。衣。風。
範。並。頭。堪。共。縮。喜。相。隣。兩。岸。喜。相。隣。兩。岸。正。好。淥。水。
移。栽。錦。翼。雙。環。奈。吹。去。瑤。池。遠。違。銀。漢。空。自。絲。常。絆。
啖。妾。意。豈。塵。凡。底。是。蕭。郎。動。得。秦。娥。盼。君。才。荷。露。翻。
君。意。荷。珠。泛。怕。隨。風。拋。損。飄。飄。泊。泊。團。圓。難。按。

前。腔。團。圓。難。按。何。當。夏。暑。煩。不。覺。羅。衫。欲。透。香。肌。粉。

寫景種種目前

汗。困。倦。慵。舒。眼。聽。流。鶯。啼。返。聽。流。鶯。啼。返。又。忽。自。花。

上紗窗。香燼沉檀。宿鳥啼歸。鳴蟬唱晚。檻外三星爛。
嗒一望水雲間。月淡風微。幾點流螢。燦傷心景色。關
腸斷。關河間。怕歸來。遲慢。迢迢遞遞。程途千萬。

前腔。程途千萬。相思淚點。班不能勾。金屏選中。東牀
早坦舉。却梁鴻案。笑盈盈。總州笑盈盈。總州有的是
貌。比楊妃。才若蘇蘭底。自聰明。誰憐柔曼。枉也塵寰
罕。嗒。玉漏報更殘。角枕文衾。相對空慚。赧明河舉首
看。卽漸秋風返。歎芳春遲晚。耽耽誤誤。年華成幻。

不禁荷珠淚欲飄。好花容易粉香消。三春已歎蹉
跎。盡綠葉成陰。老阿嬌。

第十九齣

佳郎姑早許

舞韻能
能雅

搗練子莫夫人上
憐愛女勝佳男嬌姿一朶曉花含
念彼婚姻常掛俺

生女復何濟常爲愁夫婿不忍遠嫁將好郎與招
贅老身莫氏早適無公有息焉娘誠然佳女但他
性格聰慧年已長成女婿一節惡空商議前日相
公道隔隣烏有生堪與結姻不負我女但近聞此
郎不在家中兩家都未相喻就他回時必得一箇
人兒先達此意方好呀遠望一女娘來也春夢渡

上

瓊南枝春成夏。風自南。蓮步名閨。聊試探。紫燕畫梁
喃。鸚哥叫客來。介鸚鵡紗窗喊。進見介老夫人。春夢
婆萬福了。夫呀。原來是春夢娘。許久不來。何因垂顧。
春只爲閒車馬。少箇談。因此上。驀朱簾。怒大膽。

前腔。夫閒庭午。夏日憺。坐倦槐陰。困不堪。正待倩卿
談。喜的來相探。春老夫人。小姐怎的不見。夫他在繡
房針指。春好。正是針線閒。消夏日長。只是一件。小姐
也好議親了。夫他秦樓女。待跨鳳驂。那一箇俊蕭郎。
來與照鸞鑑。

前腔。春娘真好。婿怎堪。小姐的姿貌。正似檻外荷花。

他出水芙蓉豔碧潭。待與覓佳男。你岳母高風鑑。那東牀契。那易擔。待舉箇比隣郎。休疑濫。

夫是那一箇。可不是烏有生麼。春正是他老夫人。

原何曉得。

前腔。夫真奇俊。是好男。岳丈褒揚已再三。春是老相公稱及了。怎不招了他罷。夫那烏有郎呵。他雖側畫橋藍。未喻郝翁鑒。老娘你若見那生。可微喻此意便了。這女月老。卿自甘。我老麻姑。應不賺。

春如此暫時告別。又來陪話。老夫人好致意小姐。不敢請見了。夫有勞了。如花嬌女得娘愁。春好塔。

東隣堪爾求。夫但教媒娘通此意。春他時應得詠

河洲

第二十齣

名革棘同推

二 狂名董
大科應得

六么令

扮包待制衆隨上。龍圖聲冠問清名。膽落干

人矣想路
真幻

官。黃河笑比氣容端。嚴刑法肅衣冠。今日來此監試

呵。文場中應許無譁亂。

奇

下官龍圖閣待制包是也。今日文場較士。下官職

在監臨。待試官入簾。便搜檢士子進舍。早則試官

到也。扮韓昌黎衆擁上。

前腔。昌黎文冠望如山。百代同觀醇醇還。比孟軻般。

西雅言上卷
諫佛骨貶潮湓喜今朝復作斯文管

下官昌黎韓退之是也今日主試棘闈索就此入
簾去見包介侍制奉揖了包老文宗不敢聞分考
乃是歐陽永叔怎還未到韓永叔想與蘇子瞻閒
談故此稽遲扮歐陽永叔衆隨上

前腔玉堂名冠繼韓公文體莊端當年曾取進賢冠
詩歌雅名節完却今朝又作文壇判

下官翰林學士歐陽脩是也向知貢舉今較分闈
務必得士便了入見介二公拜揖韓包學士拜揖

包二公百代文衡老子喜逢一旦韓歐翁丈千秋

風槩兩人幸遇三生。歐對韓。晚輩久慕高風。鞭梢
敢望足下。韓老夫辱叨雅契。席首還推後來。包時
日已迫。魁耀須臨。二公索進內簾。不佞當嚴外監。
韓歐如此暫別。麟鳳中原。網桃李一門羅。下包左
右大開貢院。放舉子進來。一名名務要搜檢明白。
不許夾帶。作弊違者重究。衆應開門。生毛四友同

上

前腔。連鑣魚貫。逞英雄錦繡奇觀。扶搖九萬快相搏。
升玉署。唱金鑿。況斯文衡鑑千秋冠。

烏有生婚姻不遂。鬱悶無聊。喜的文運天開。韓歐

主試因此將竹奴拋擲於彼。偕四友歌舞而來。這
睡鄉中狀元管取中也。進介吏唱名檢畢介烏有
生天字一號。生應下毛穎天字二號。毛下陳玄天
字三號。陳下羅文玄字三號。羅下楮生玄字二號。
楮下衆呼介未到舉子作速進來聽點。白銅上
前腔銀州鄉貫有黃金門戶能鑽三場且騙數圓餞。
中不中拚則拚若文衡錯中咱不管。

白銅腥夫我與你來到睡鄉不想彼此成了一頭
親事喜的大比在邇又虧臨邛縣公相薦我以廩
試你以增試采頭好管取高中也。銅木甫兄我畧

帶丟紙條兒進去，好央朋友做兩句。自我大學極生，也將白文帶一本進去。銅哥監臨官是包龍圖，各要仔細。自曉得入介，吏唱名，卒搜出書紙，介好。好，這是甚所在，却帶大學一本，白紙一張，白銅大哥，沒奈何，可憐見，不要舉出，各自銀二兩奉上，送介卒也罷。裏面小心些，分號介白一丁玄字一號。自下銅士臭玄字四號，銅下眾稟舉子進完，介包如此封門，封門共下。

第二十一齣

窮鬼春闈肆

生毛陳上坐一邊，介羅楮白銅上坐一邊，介生三

胤輩高蹇
奇才屈抑

良疑有鬼
不効借作
酒盃一滙
壘塊

人好吐胸中秀，掄將上國魁。羅四人，還憑時運巧，
共奪錦標旗。生毛兄、陳兄，我和你且喜同號相連，
羅褚烏有兄、小弟二人，也就在間壁號口。生一發
湊巧了，今番弟兄每定中也。自天字一號，却原來
是烏有生，旁邊又都是他朋友，沒奈何，叫他一聲，
烏有兄。生老兄素不相識。白老兄忘了，小弟白一
丁銅聽介呀，木甫兄，你與那箇講話。羅與俺敝友
烏有兄講話。銅原來烏有兄相近，且喜諸兄又各
同舍，幸一指教，千萬勿吝。羅弟輩不才，不足辱教，
生毛四友共作文介。

香柳娘喜相知五人喜相知五人號頭厮近便商量
潤色都無吝羨毛郎穎純羨毛郎穎純揮就楮生文
陳羅總幫襯看盈篇簇新看盈篇簇新錦繡何論元
魁堪問

生毛衆持卷出介白銅邀介沒奈何五位老相公
畧問一箇字兒去毛我每辛苦了要交卷去了共
生下白隍夫兄他五箇竟洋洋去了難道我每竟
丟箇白卷不成也做完了去共做文介

前腔把文章慢論把文章慢論枯腸搜盡這紙筆墨
硯偏不順寫云云又云寫云云又云那論語素無聞

這經題了難認勝一場病瘟勝一場病瘟白木失覓
銅腥告頌

且喜謫完了大家交卷去共下歐史秉燭上

前腔把卷宗列分把卷宗列分瑕瑜難混就中好醜
千般盡覷高文雅馴覷高文雅馴擊節果驚人快心
不畱瞬這卷子天字一號果是第一人手筆這卷子
天字二號天字三號玄字二號玄字三號却也俱佳
待再看這幾卷來呀都是胡說覷胡言可噴覷胡言
可噴聲若蠅蚊字如蚯蚓

香這兩卷委是笑殺人也擲地介這取的待明早呈

堂公薦便了。不免少睡片時。清魔持紙賊上丁丁
前腔笑歐陽論文笑歐陽論文吹求忒狠。慣將措大
添風韻。且將伊眼昏。且將伊眼昏。王石一齊焚。溜
兩相渾。俺情魔是也。今却變做了文魔。向日烏有生
卓家郝家姻緣。都是俺就中作阻。可奈歐陽公又把
他文字看好了。待要薦作頭名。我心懷不憤。特地紙
糊其眼。糊介歐公。你這回却難識別也。請先生
莫嗔。請先生莫嗔。銅臭能神。白丁逢運。

下歐醒介我纔方睡中有人糊我之眼。敢莫文字
看錯了。再與細閱一番。看介這取的幾卷都不通。

左右把地下兩卷我看取看介這是兩卷好文字
如何擲下不免圈起呈堂便了圈介左右就此隨
我呈堂去下韓吏捧卷上介

前腔想文衡共尊想文衡共尊待扶衰運況兼分考
時名震纔歐陽永叔取兩卷自薦待我試看一看呀
永叔怎麼取這樣卷子笑介敢一時醉醺敢一時醉
醺不辯蒞和孫取將土和糞叫門子且與我將他廢
卷取來門應取上闕介韓這幾卷是絕妙文字這奇
文共欣這奇文共欣字字烟雲言言輝潤
把這五卷取了把那兩卷擲下明早開榜便了下

〔五窮鬼各色舞喊上〕

前腔笑昌黎認真。笑昌黎認真。不將身付。全然忘却
齏鹽運。你窮時莫伸。你窮時莫伸。有我弟和昆。教伊
苦還窘。怎如今爲人。怎如今爲人。強與驅貧。妄思拔
俊。

兄弟每、老韓當日、虧俺作成了千載之名、今日却
反與我輩爲仇、要伸烏有生那措大、從落卷中番
取做第一、我每可將他五箇卷子、依舊批壞了、把
白一丁銅士臭的卷子、依舊圈得斑斑的、明日填
榜、教他填彼兩人作首、烏有生四五兄弟、仍然下

第、不免就此將卷子番過、五鬼亂番卷子批直介
正是萬般皆命運、場中有鬼神庸庸番得福奇奇
轉足貧、共跳舞下

第二十二齣

錢夷夢境馳

與堪噴飯

賀聖朝

扮守錢虜黃臉胡服小胡同上

一副銅錢嘴

臉幾根買賣髭鬚、油脂滿肚氣羶醜、饒舌頻將口餵

體胖氣駸粗原非外國胡祇因多筭計、人號守錢

可絕

奴俺守錢虜的便是、生來粗鄙自小腥羶、一夜

筭不減王戎之筭、環前阿堵正如夷甫之妻、但教

財帛交關便嫡友至親、莫想鬆他半下、若是金銀

出入縱男婚女嫁。休思放過一毫。幾頭牛。幾匡羊。
傳錢虜之神

幾隻雞。親身照管。一尺布。一斗粟。一碗醬。逐日查盤數。貨物之盈。雖則難誇敵國。論經營之巧。可也。號作智囊。與文士爲寇仇。視書儒若胡越。趁此日閒。草茂腹飽。體肥不免操演一番乘隙而動阿堵。每聽吾號令。可將技藝演習一番者。衆應搖旗列陣介。

豹子令頭若烏龜肚。似鮎草塞肥腸。一半鹽。恨不得世上錢財都霸占。却如那糞蛆鑽糞味偏甜。
合寫旗
旗三字大無廉。

以江郎之
承筆爲莊
生之幻想
真堪快絕
千古○大
爲名宿吐
氣小兒曹
臭便以腐
鼠穢人也

前腔底是天驕計策鉅。子母相權獲利兼。但遇酸丁
偏可厭管錐。刀殺却筆鋒尖。合前

無端兵甲與酸子好憑陵。胡兒齊上馬。聲細若蒼
蠅。

第二十三齣 次且龍榜下

扮衆迎榜上。士女喧騰動地來。人人爭看榜花開。
幾多膚淺歡顏去。不少英雄失意回。我每奉監臨
之命。將榜文張掛此間。你看看榜的秀才。早則來
也。下丑隨生上。相公榜掛在此。快仔細看着生。我
心事雜亂。你幫我看一看。第一名白一丁。第二名

銅士臭罷了、怎麼這兩人中了第一第二、難道反
落他每之後呀、不見我名字、奴便毛家郎四位也、
不見一箇有在、生敢莫錯過了、一行再細看去呀、
畢竟沒有咳、韓文公歐陽公你也在、有時名也、

北新水令五更幾下聽鳴笳、驟天街早榜花開發、公
門堪笑罵、一網盡魚蝦、笑殺張華、那有躍平津雙
龍化

奴呀、那白銅兩箇迎將來也、生羞死俺也、

步步嬌白銅簪花冠帶鼓樂迎上、錦轡紅纓街頭跨、
烏帽金花壓、官袍馬上查、粉底靴兒洒、撒在雕鞍下、

還思卓氏與郗家。這風流女婿真不亞。

吹打迎下生罷了。白木的時勢却待怎的。只毛家

郎四友怎不來一看也。奴想悶倒在那里了。毛四

人上烏有兄兀的不屈殺了你我。

北折桂令似着俺氣流虹彩筆蒸霞待便要走上瓊

林奪却烏紗。怎知他座主麻查昌黎老耄六一昏花

道的來陽春和寡却教那下里稱巴毛穎更妙了又楮老

嗟呀峭羅文丰稜顏場好陳玄光彩消乏

呀又幾位朋友來也。扮孟東野賈浪仙蘇長公便

服同上

江兒水東野文公賞浪仙韓老誇蘇東坡舊在歐門下。他泰山般千古堪師法。怎睡鄉中一霎消聲價。試聽道旁人話。畧解伊嘲省的傳聞不雅。

生毛衆歎介好箇韓文公好箇歐陽永叔孟賈蘇見介諸公何爲長歎。不滿韓歐得無暫在孫山外

乎。生衆然也。三公高姓蘇學生蘇軾。這是孟東野

賈浪仙。生衆不知是東坡諸公有失忌諱。蘇好說

冒黎公與歐陽師。平素原自鑑衡無爽。此番愚生

輩亦自不滿。毛三公在此。小生毛穎冒黎舊時頗

亦相賞。不知今番何以見遺。三公弗怪。小弟有一

諧語願爲三公陳之蘇衆敢請教毛當年韓公板

取東野提挈浪仙乃是韓愈如今取了白一丁輩

真是韓退之了滑稽妙絕當年歐公賞識長公不在歐陽

永叔如今取了銅士臭一班真是歐陽脩了孟賈

笑介老兄弗怪此亦白生輩之命通也蘇便是當

年俺主試時有一箇極相知的李方叔入試却不

會中得他到得出闈不免懊恨作詩謝之說道平

生誇識古戰場到眼終迷日五色今日韓歐二公

想亦復如不佞耳生雖則如此說便僕輩見遺亦

所無憾只不該取白丁輩作首耳

北鴈兒落帶得勝令俺便待抱連城向一世誇誰知
道遇波斯虧人價輕薄殺臭銅郎不掛牙顛倒是白
家丁說得話想闡中光景亂如麻慢自負戰場文眼
力佳可不道五色迷雙眸亞教俺這李方叔怎回家
艾誠然近新來不在麒麟下烏鴉近新來還將鸞鳳喳
蘇且莫過憤你聽金鼓之聲旌旗一簇敢有甚變
故也守錢虜小胡共持短刀喊上

僥僥令妙絕幻絕人人擊節矣趁的文衡瞎憑將錢虜譁把孔方兄串在征
旗掛一箇箇利錐刀手裏拿利錐刀手裏拿

俺守錢虜怪的是那一班酸子今日乘彼下第騷

擾一番阿堵每好將那下第的秀才與俺殺倒者
生呀原來是守錢虜反來了四兄務必盡力與他
廝鬪一番蘇俺三人也助諸公一陣各列陣鬪介

生五人韓三人俱不執械或扇或塵尾揮介

北收江南呀剗地裏文場鼙鼓搥原來是守錢奴把
戰書兒打俺文房四友銳無瑕又連着寒郊瘦島大
蘇家大戰介請胡兒去咱請胡兒去咱使不着你黃
自○然○敗○去○
金威勢莽村沙

錢虜敗下介蘇衆錢虜已敗幸不辱君誓此告歸

再當相晤正是高文堪作檄銳筆快於刀下生蘇

公輩已去、我等羈此何爲、想子墨客、聊候俺已久、
功名姻戚、還到故鄉、覓取便了、從前事不須再提、
起也

園林好、想婚姻難逢俊娃、想功名難酬筆華、不如箇
故鄉歸罷、早望眼隔蒹葭、早望眼隔蒹葭、

比沽美酒帶太平令、行企思故國、好停踏、思異土、莫

吾仁孺不須疑矣

提他舌、在張儀窟、有涯好人物、有提拔、好文章、自發
達、並不會淹他、班馬、並沒有屈、將董、賈、終須箇、高揚
風、雅、好看取、名籠碧紗、指日的、榮裁白麻、呀、文場裏
猶堪吾霸

尾聲睡鄉百事如心寡歸去還教意氣佳想彼處韓

歐眼不差又。轉。

須識諸公眼自青無奈諸魔睡夢靈唐突名賢應

恕却為有文衡醉獨醒

第二十四齣

笑語碧山籬

謁金門前子墨卿行衣僕隨上閒情況喜的林泉無

恙却憶知交真放蕩醉鄉蹤跡浪

綠葉扶疎掛彩雲知交何日不思君那堪長夏猶

孤往一片豪情醉邑醺下官子墨客鄉是也早膺

紫綬暫臥白雲與同邑烏有生情冷金蘭與年友

與眼業心
一縉紳不
多此輩

無是公。遊同山澤。無公有女。云已及笄。烏有之才。
知堪作坦。這斧柯之任。定是下官。只烏生閒遊。許
久未返。便無公處。俺亦久未相拜。彼此情事。未獲
深知。近來已當長夏。炎威頗是逼人。我那烏有兄。
醉鄉不知得意否。故人之念。實勞我心。

石榴花。襟懷倜儻。歸臥白雲牕。思故友。意難忘。醉鄉
何處路茫茫。少年人。煞是疎狂。他金蘭臭廣。挾朋儔。
兩兩三三。往酒腸寬。吞幾雲夢。世情疎曠。彼瀟湘。
前腔。春時餞別。又早碧荷香。閒倚徙。竹方牀。北牕一
覺儼羲皇。聽簷牙風馬。丁當。梧桐夕陽。漱清茶。更復

西齋雜記
多幽況喜炎蒸不到山居笑奔馳久謝朝廊

直、急、讀、弄

我想士夫每奔波要路如此炎威天道車兒馬兒
來來往往早不如我子墨卿安適也閒居無事不

免將架上書史把玩一番玩書介

謂金門後無是公行衣僕隨上閒日知交相向問取
墨君佳狀一徑松陰門戶曠欲作天台想

解組歸來隱知友得同心常後懷高誼一叩草堂
陰老夫無是公是也與同邑子墨卿同年至友久
不相晤聞彼山居高臥特此前來一探此間已是
不免徑入見墨介呀老兄看的甚書好快活也墨

老兄今日是甚風兒吹得來也。公久不會你，特此

一談墨。只是山庄有茶無酒。公誰便要你酒喫。若

俺比隣烏有生來，便是山居不怕你沒有酒。墨我

正待要問老兄烏有生醉鄉已歸來否。公尚未歸

來。此兄豪得極哩。墨老兄以為當豪否。公有彼之

才焉得不為彼之豪。如今人畧做得幾句文字便

眼底没人直欲狂。况如生者太白子瞻之輩那

得不肆志乎。墨老兄如此鑑賞東隣，可作東林矣。

俺那烏有兄，尚未有細君。聞長兄尊愛已長如此。

佳婿具眼，丈人不應坐失斧柯之任。僕當任之。公

西...
小女尚幼、姑徐商之、王逸少必不令渠別坦也。
這等公真邈老矣。
[墨]

泣顏回。公久未問行藏。羨幽人別業清。蒼叢林流水。
揮玉塵。衣袂生涼。時禽奏簧。又鳴蛙兩部池頭唱。憶
當年風雨同懷。喜今日烟霞相傍。

前腔。墨。厭却市朝忙。避喧囂。小構山庄。無肴無酒。媿
空過貴客相將。公相知晤語。正不須酒。[墨]只是一件

鳥有郎親事。定用作成小弟爲媒。東鄰衛郎。況翁兄
正是水清廣。好作成柯斧人情。早完他香粉心腸。

餘音。知交一話神清爽。公他日還當過講。合早啼鴉

數點繞殘陽。

〔公〕幽絕深山水一涯〔墨〕知交相過豁人懷〔公〕無限
瀟湘景可掬〔墨〕烟霞應得屬吾儕。

醉鄉記上卷終

醉鄉記上卷